



نورک بوروی

Yel : 1 Saye : 9 9 Mart 1328
اون بش کونده بر چیقار نورک فاندنه چالشیر

زنکین اولسه، یاخود حکومت نفوذینی حائر بولونسه؟

نه یاپاردم؟ البته چوق شیلر یاپاردم؟ بر چوق صورتله ملک وملت خدمت ایدردم. فقط اک زیاده تورکجه مزه خدمت ایدردم.

هر کسک معلومی اولدینی اوزره ملل تمیذنه نك منتظم ادبیاتی اولور؛ منتظم ادبیاتی اولانلارک منتظم لسانلری اولور. بناء علیه لسانک ادبیاتک انتظامنه، انسجامنه، تکاملنه غیرت و همت انسانک منسوب بولندینی مللک دولتک ترقیاتنه خدمت دیمکدر. بونده شبهه ایدلاملیدر.

لسان و ادبیاتنه خدمت، وسائط و آلات مغویه قدر وسائط و آلات مادیه نکرده وجودینه وابسته در. پاره سز، پولسز، مع الاسف، ادبیاتده بیله بر نتیجه دسترس اولونه ماز. اسکیدن بر (دانتیه الکیه ری) بر قاج سینه محبوسیت کرفتار اولور؛ حبسخانه کوشه سنده، ربانی الینه آلهرق، ترم و تغزله باشلار، ایتالیان لسانتی احداث ایدر، ایتالیایه (مضحک آلپیه) کی شاه اثرلر اهدا ایدردی. بر (میلتن) علیل و ناینا، کوشه انزوایه چکیلور، کریمه و یا حفیده سینه (غائب اولمش جنت) نی املا ایدر وانکلیر ادبیاتی بر آبد شان و شرفه دها نائل اولوردی.

تأسف اولنورکه احتیاجات حاضره طرز حیاتی تبدیل و تحریف ایتدیکی کی محصولات ادبییه بیده، عادتاً محصولات صناعیه کی قوای اقتصادیه نك زبون و مقهوری ایتشد. آنک ایچون مصاحبه مک سرلوجه سنده «زنکین اولسه؟» جمله غریبه سنی استعماله جسارت ایتدم. اوت! زنکین اولسه اول باول، اعانه بحریده، حجاز تیمور یولی اعانه سندن مقدم بر آزلانمز، لهجه مزه، تورکجه مزه اعانه ده بولنوردم. تورکجه مزه ندر؟ بودیلی ترکیب ایدن کلمات ندرن عبارتدر؟ السنه مترقیه حاضره نسبتله زنکینمدر، دکمیدر؟ افکار و احتیاجات عصریه نی، ذهن بشرک شو سهرده اشتغال ایلدیکی مسائل بولسانله افاده نمکیمیدر؟ برملت ترقی ایده بیلیمک ایچون ترقیات لاهقیه بیکانه اولماق لازم کلور. بونک ایچونده افکار و احتیاجات جدیدیه کنیدی لهجه سنده افاده قادر اولمیدر. ایمدی!.... تورکجه مز بوکا مساعدمیدر؛ بولسان ایله بز بر

آوروپالی ، بر آلمان ، برانکلیز ، برفرانسز دکل ، برزوص (نهیه روس یازمالی؟)
 قدردوشونه بیلورمی یز؛ مافی الضمیر منی اونلر قدرافادهیه قدرتیاب اولیورمی یز؟
 بودهاش سؤاله شافی بر جواب ویرمک ایچون لسانمزك بر بیلانچوسنی یاققلغمز
 ایجاب ایدر. قاچ کله من وار؛ السنه متکامله حاضرهیه نسبتله بوکله لر آزمیدر،
 چوققیدر؟ فضله کله لری نه یاقملی ، اکسیکاری نصل احداث وابداع ایتملی؟
 بونلر ، بر طاقم « مواد معنویه » اولدینی درجهده « مواد مادیه » درلرده ...
 آنک ایچون ارباب همت وغیرتی جمع ایتملی ، کندیلرینه آلات ووسائط سعی
 وعملی بلغا مبالغ ویرملی وچالیشدیرملی . امین اولیکز که ارباب همم فی سبیل الله
 دیمه یلم ، فی « سبیل اللسان » چالیشازلر. احتیاجات تراید ایتمشدر. هیچ بر
 کیمسه نك ضایع ایده جک هیچ بردقیقه سی ، ثانیه سی یوقدر . بر مأمور بردائرة
 رسمیه ده ، بر تجارتکاهده نصل چالیشیورسه بحث ایتدیکمز بیلانچویی تنظیمدهده
 اومرتبه چالیشملیدر . بونک ایچون پاره لازمدر . ضابطه ، پولیس ، عدلیه
 برملت ایچون نه قدر مهم ایسه ضابطه لسانیه ده اومرتبه مهمدر .

بوندن صکره صرف ونجومز ، املا مز ، حروفیزی دوشونملی یز. بونلرده
 تشبث شخصی ایله میدان کیر شیلردن دکلدر . میدان کلسه لر بیله قواعد
 لسانیه یی تنظیم ایتک ایچون آنلزه بر رسمیت ویرمک لازم درکه ادیبلر مزك ،
 ولو داعی اولسه لر ، بوکا ذره جه صلاحیتلری یوقدر .

لسان — بیک دفعه سویلدم — تشکل ایدر ، تشکیل ایدلر . میدان کیر ،
 میدان کتیرلر. آنک ایچون لسانه غیری ، بن عاجزانه ، لسانه خدمت ایله تفسیر
 ایدرم . بناء علیه ، لسانمزی بر دوره کاله ایصال ایچون ، آنکله بر چوق
 شیلرک یازلسنی ، لسانمزه بتون آثار مخلده نك نقل وترجه سنی ترویج ایدرم .
 ادبیاتک بر عمومی قسمی وارددر که نوع بشرک میراث مشترکیدر . ایشته
 بو قسمی لسانه نقل ایتیان ملت کری بر ملتدر ؛ محکوم عقامتدر . هانی بزده
 قلاسیقلرک ترجمه سی ، هانی بزده آثار مخلده نك تقلیدلری ...!

زنکین اولسه ایدم بر هیئت مخصوصه تشکیل ایدر ، کلمات تورکیه واجنبیه نك

بر بیلاچوسنی یاپار ، لسانک قواعدینه رسمیت ویرمک ایچون حکومنی ایشه صوقار ، آتار مشهوره یی ترجه ایتدیرردم .

بویله بر ترقییه موفق اولور ایسه هم شهسز تورک ملتک ، وطولایسه یله بتون عثمانیلرک - که جمله سنک لسان رسمیه تورکجه در - بر مرتبه دها سویه لرینک ترقیسنه خدمت ایتش اولوردم . سویه سی بر مرتبه دها یوکسک اولان بر ملت ایسه دها مدنی ، دها مترقی ، دها متعالی بر ملت اولش اولور . بر آزده مادیا بدن بحث ایدم : بو ترقیاتک حیز فعله ایصالی عجباً چوق پاره یه متوقفمیدر؟ تورکجه یی تورکجه ایتک ، حیات فکریه یه کشایش ویرمک ، حاصلی ، تورک دیلنی وملتیه ده دیگر دیل وملتلدن پک آشاخی بر مرتبه ده بولوندیرماعق ایچون - فکرجه - پک اوقدر بیوک فدا کارلقلره ، تحمل فرسا مصرفلره احتیاج یوقدر . معارف بودجه مزک اونده بری نسبتده بر پاره ، برایکی سنه ایچون ، بوامرخیره صرف وتخصیص ایدیله جک اولور ایسه - که برایکی یوز بیک لیرا ایدر - ظن ایدرم که مملکت مزده ده بر آاز حیات فکریه باشلار . حکومت طرفندن ذاتاً بو قدر همت ده کافیدر . بر کره ملت بوکا آلیشیر ایسه اوست طرفنی کنیدیسی تکافل ایدر . دوشونیورم : سنوی یوزاللی میلیون مارق (۸ میلیون لیرادن بر آاز فضله) واردات صافیه ومقننه یه مالک اولوب بودقه حیات تجاریه سندن چکیلن آمریقالی واندر بیلک عشر ثروتی نیم اولسه آنکه بو بیچاره لسان ، بو بیچاره ادبیات ، بو بیچاره ملت ایچون نه لر یاپماز ایدم ؟

ریاضی* اشهر (آرشیمه د) الیمه بر نقطه استناد کچه دنیای یرندن اویناتیردم دیمش . بو محر شکسته قلمده ، دها عاجزانه ، دها مورانه ، الیمه ایکی یوز بیک لیرا کچه تورکجه یی بر لسان یاپاردم ، دیرم .

غیرت ، غیرت ، همت ، همت که لسانمیزی بر طرز مرغوبه صوقلم ؛ بو خصوصده تکامل ایدر ایسه ک آنی غائب ایدر ؛ لسانمیز بر ملتک ایسه دنیاده موقعی اوله ماز .

تقسیم ، ۲۰ - شباط ۳۲۷

مهول نوری